

日本小川銀次郎原著
紹興樊炳清
侯官薩端繙譯

西洋史要

上海商務印書館印行

西洋史要

第一期上世史

篇甲古代東方諸國

第一章埃及 Egypt

一 埃及者世界最古國之一也。相傳紀元前二千七百年爲蔑內士 Menes 王所開創。其開國所以如是之早者。蓋是地氣候溫暖。每歲七月尼羅 Nile 河水氾濫國中。灌沃土壤。五穀豐熟。人民繁殖故也。

二 土人以尼羅河洪水爲太陽所賜。於是崇拜太陽之俗興。稱太陽曰辣 Re 又曰阿蒙 Amun 其俗又崇拜萬物。就中尤尊動物焉。以爲人雖死不滅。故屍骸常保藏之。名爲木乃伊。

三 埃及人稱國王爲法辣俄。 Pharo 子孫世襲。統國政。僧侶輔之。掌祭祀。兼究天文數學醫術。其下有武士護國家。又其下有農商工牧。皆世服其職。分際儼然。不

能或越。

四 埃及技藝中最著名者。爲建築術。王宮神殿。均極莊嚴。其尖塔尤以雄麗宏壯。稱於世。最大者。高至四百五十尺。底面七百六十尺。他如方尖碑。獅身女面像等物。皆甚宏瑰。皆用象形字。Hieroglyph 鐫國王功績。其文奧蹟。惟僧侶能言之。

五 蔑內士王時。都於美姆翻斯。Memphis 國勢極盛。其地所立之尖

塔。多建於此時。其後政令衰亂。紀元前二千一百年間。遂爲遊牧蠻人。自

敘利亞 Syria 侵入。征服埃及。夷爲隸僕。舊時文化。至是破壞。蕩然漸滅。

此諸蠻王朝代號曰黑克沙士。Hyksos 紀元前一千六百五十年頃。有

舊王族。起於塞拜思 Thebes 發憤自立。逐黑克沙士。光復舊物。緝文化。

服四鄰。紀元前一千六百年頃。其版圖達於米藪包大米 Mesopotamia

平原。當時希伯來 Hebrew 人。與腓尼西亞 Phoenicia 人。來歸埃及者。

甚衆。



埃及象形文字圖

第二章腓尼西亞 Phenicia

一 腓尼西亞者地中海東岸一小國。土地隘瘠不便農耕。第以黎巴嫩 Lebanon 山多樹木。宜於造船。又地瀕海。便通商航運。國人乃製玻璃紫色染料。運售於地中海紅海沿岸諸島。又自埃及販運農器。西出大西洋。至英國。復東由陸路。與印度通商。又在地中海多島海等處。開拓殖民地。以興懋遷之業。

二是國也。由衆都府合集而成。各戴君主。崇拜天體。以巴兒 Baal 陽太 爲主神。故名巴兒教。都市中顯名者曰西峒 Sidon 曰太亞 Tyre

三 腓尼西亞人。於世界之文明。有大關係。大偉業。則發明表音字是也。後世歐美諸國所用之字。皆源於此。

第三章希伯來 Hebrew

一 希伯來人。初棲息於威而 Ur 業牧畜之蠻民也。紀元前二千年間。從其酋長阿卜辣哈姆 Abraham 者。遷於迦南 Canaan 奉一神之教。卽猶太教也。後每爲異教攻擊。至紀元前一千六百五十年間。乃請於埃及王。避難於哥希痕 Goshen

二 久之埃及國勢稍衰。失蘇彝士 *Suez* 以外地。希伯來人憤埃王之虐待。紀元前一千三百二十年間有摩西 *Moses* 者爲首領。率衆退出埃及。卜居於巴勒斯坦 *Palestine*。

三 於是希伯來人別爲十二種族。分領土地。受神意行政。以愚其民。迨外患頻仍。始悟神意政體。不足以禦敵。乃迫其高僧煞彌爾 *Samuel* 於紀元前一千五十五年。商帝辛四十八年立煞烏耳 *Saul* 爲王。

四 煞烏耳之後戴德 *David* 繼立。王勇敢。能攘外患。拓版圖。修文學。多作贊美歌。王死。瑣羅門 *Solomon* 繼立。築天主堂於耶路撒冷 *Jerusalem*。又建宮室。宏敞輪奐。西峒王黑拉姆 *Hiram* 助以工役焉。王復與外國互市。與埃王結婚姻。誘他教之人入其國內。而施苛政。民心遂貳。

五 紀元前九百五十三年。周穆王八年瑣羅門歿。全國遂分裂。北部十族背王家。別建國。號曰伊司拉愛爾 *Israel* 王國。南部二族則建猶太國 *Judea*。

第四章亞西利亞 *Assyria* 巴比倫尼亞 *Babylonia*

一 米藪包大米 Mesopotamia 平原之間。有氣固利斯 Tigris 及幼發拉的士

Euphrates 二大河。氣候溫和。土壤膏腴。人口繁殖。紀元前二千三百年頃。尼母羅得 Nimrod 王。始建嘉爾疊亞 Chaldaea 王國於此。國民長於天文。巧建築。一時稱盛。後爲亞西利亞所滅。史冊無可考。蓋據楔形字所記而知之者。

二 亞西利亞人。居於氣固利斯河上流。性慍悍。好戰。專事掠奪。所信奉之神曰拜爾 Bel 太陽 及阿汝爾 Azur 神軍 觀其所奉。可以知其國人之性質矣。

三 紀元前九世紀頃。國人已得米藪包大米全部。至紀元前八世紀時。徵貢獻於腓尼西亞諸市。紀元前七百二十二年。周平王四十九年 薩爾鞏 Sargon 爲王。遂滅伊司

拉愛爾。進破埃及軍。伐美地亞 Media 及巴比倫尼亞。服猶太。降賽哺拉斯 Cyprus 及阿剌伯 Arabia 進佔埃及。與利地亞 Lydia 王盟。約以保護西偏。

四 亞西利亞人。南征北伐。建樹如此偉業。當紀元前六百七十年。周惠王七年 其疆域。

西自尼羅河邊。並地中海。東達義蘭 Iran 高原。北自裏海。南暨波斯灣。版圖之大。古未有也。

五 亞西利亞王。征服諸邦。收爲屬地。屬地之民。令各戴舊主。而自爲共主。徵歲貢焉。又命拜其所奉之軍神。諸國受其鈐制。故不能自結爲一統也。

六 紀元前七世紀中葉。蒙古利亞 *Mongolians* 人。自北方侵入。其一奄美地亞。其一掠利地亞。二國受其紛擾。尋利地亞人美地亞人。共起而驅蠻族。復自立。巴比倫

尼亞埃及聞風興起。於是美地亞王克煞勒士 *Cyaxares* 與巴比倫尼亞王拿波

波拉薩兒 *Nabopolassar* 集羣結合。紀元前六百六年。周定王元年伐亞西利亞。陷其都

城尼尼維 *Nineveh*。亞西利亞王國遂滅。

七 亞西利亞滅後。當時有國者。爲巴比倫尼亞。美地亞。利地亞。腓尼西亞。猶太。埃及諸國。爭雄競長。相持不決。於是巴比倫尼亞王。尼布加德涅薩兒 *Nebuchadnezzar*

與埃及王乃哥 *Necho* 大戰於幼發拉的士河畔。埃及師敗績。進破猶太。腓尼西亞同盟之軍。陷太亞。及耶路撒冷。遂滅猶太。紀元前五百八十六年。周定王二十一年移猶太民於東方。

八 是時也。巴比倫之武威。震動西亞。有鎮壓列強之勢。其王又興土木。擴都城。設

橋梁。開運河。興商務。獎技藝。故建築雕刻繪畫諸藝。優過埃及人。所製陶器。至爲後世希臘人所祖。其貿易之地。西自地中海沿岸。東達印度。國勢頗隆昌焉。

第五章波斯 Persia 之勃興

一、波斯立國在義蘭 Iran 高原之南。抱波斯灣。嘗爲美地亞屬地。有王賽拉士

Cyrus 者。被羈於美地亞。及美地亞勢衰。紀元前五百五十年。周靈王二十一年王率國人

并吞之。明年進降利地亞。尋伐巴比倫。圍攻二載。紀元前五百三十八年。周景王七年陷

巴比倫都城。解猶太人之囚。釋歸本國。於是猶太垂滅之一神教。乃得復存一綫。

二、賽拉士之後。加姆比忒司 Cambyses 立。紹父志。遠征埃及。紀元前五百二十

五年。周景王二十五年陷美姆翻斯。滅埃及。更征服腓尼西亞。尋內亂。有王族達來亞士者。

Darius 掃內亂。登王位。勘定東西各地。

三、當時波斯版圖。西自地中海。東至印度 Indus 河邊。南括埃及。沿波斯灣。北瀕

黑海裏海。版圖之大。遙駕亞西利亞。其幅員廣袤。實逾歐洲大陸之半。達來亞士。分地爲二十州。州置知事。將軍。錄事。更遣監察使。察不法者。又一貨幣。定稅法。開道路。

設驛遞。政績粲然。國王居司薩。Susa 及巴式波利司。Persepolis 以統國政。然其立法行政宗教。尙仍地方之舊習。未能善也。

四 波斯之宗教。係巴克特利亞 Bactria 聖人祚錄亞斯對 Zoroaster 手所改革。今據其經典聖德阿費士他 Zend. Avesta 謂宇宙中有無數善神。與惡神爭。人間禍福。定於神之勝敗。善神之長曰俄兒麥詒 Ormuzd 惡神之長曰達利蠻 Ahriman 云。波斯人又拜火。稱之爲瑪吉 Magi 其癡暗有如是者。

五 波斯人故勤儉武勇。及國運漸盛。驕奢之風寢長。國人不事事。而仰製作品於外國。不肯致力於工藝。然建築彫刻。則以規取亞西利亞巴比倫尼亞之成式。頗能趨促其發達焉。

篇乙波斯與希臘之爭

第一章額里思 Greece 古代

一 額里思者。國人自稱海臘斯 Hellas 中國稱此蓋地 蓋地 地中海最東之半島。港灣深入內地。山嶽區分。國內氣候溫和。風光明媚。此所以能通好他國。擷東方之文物。融

匯貫通。爲歐洲開化之元胎也。

二 希臘上古不可考。可考者呵馬 Homer 之詩耳。蓋當時小邦鼎峙。上有世襲之王。握政教之權。咸有將軍隊。置元老以輔佐之。令公民集會。議政事。立國環海。其民營航業。奉多神之教。謂神住山海林泉。不與世接。所謂瑞巫士 Zeus 者。天神卽其主神也。

三 當紀元前一千一百年間。德羅亞 Dorians 人入佩洛朋乃煞斯 Peloponne-
sus 建司巴達 Sparta 塞拜斯 Thebes 科令斯 Corinth 等國。戶口頓增。人民漸渡海別闢殖民地於小亞細亞海岸。意大利南岸。西西利 Sicily 及摩薩利亞 Massalia 等處。尤著名。

四 然希臘各邦。暨殖民地。皆各具自立之質概。政治原非一統。而宗教言語則胥同。故能全國相結合。若隣邦神事同盟之會議。及俄內姆比亞 Olympia 大祭之競技賽會。皆由國民結合。而克收其效。俄內姆比亞祭者。紀元前七百七十六年。周幽王以後。每四年一舉行。稱爲瑞巫士之大祭。希臘史卽以是歲紀元也。

五 德羅亞人南遷後。各邦與諸殖民地。紛紛創政體。或王政。或貴族政治。或寡頭政治。或僭主政治。或民主政治。皆本希臘人所用之遺制。或專采其一者。或混用其數者。紀元前第六世紀之際。爲僭主政治蔓延最盛之時。就中米利都 *Miletus* 愛非斯 *Ephesus* 等殖民地。皆廢貴族政法。奉僭主。僭主或謀利國福民之道者。則獎勵文學技術。哀哇尼亞 *Ionia* 派之哲學。實興於此時。又有愛力阿 *Ellea* 派。倍煞哥臘斯 *Pythagoras* 派之哲學者。亦多於是時成業。文學家始以情意作詩。一時詞豪輩出。稱極盛。

六 德羅亞人南移後。司巴達建寡頭政治。上戴二王。以愛普呵兒 *Ephor* 官五人輔之。置公民議會。使參與政務。其屬隸之人種。則不能容喙。俯首聽命。低心下氣而已。

七 相傳紀元前八百八十年間。來嘉軋士 *Lycurgus* 創定司巴達憲法。蓋欲使國民諳訓練。尙武勇。以護持其公民之階級也。法以政府干涉民間婚事。並檢查其生產。強者育之。羸者棄之。男子七歲。政府治營舍收養。教以武技。凡公民悉會於公

堂共飲食。食以粗糲爲度。又謂金銀貨幣。爲盜心之媒。舉廢之。商工技藝。爲奢志之階。禁之而專尙樸忍。以養強敢廉恥之風。

八 雅典 Athens 出亞利安 Ionians 人種。居雅底加 Attica 其始行王政。先於

司巴達。當德羅亞人南移之時。已置統領 Archon 掌行政。規模稍稍具矣。平民惡

貴族之專橫也。怨謗沸騰。紀元前六百二十年頃。周襄王三十二年 統領鐸臘科 Draco 編

法典。欲以箝治平民。其律失之嚴。衆不服。無功。

九 迨梭倫 Solon 爲統領。當紀元前五百九十四年。周定王十二年 首改貸借法。以救窮

困。計土地之多寡。區國民爲四級。定各級應享之權利。應有之義務。一切平民。得列

於民會。Ecclesia 判決議案。第一級有舉統領九名之權。凡列上級者。列座於高等

院。Boule 有審查議案及修改之權。第一級人民。皆得爲統領。及元老院 Arcopa-

gus 員。其法大要。在於廢閱通民志。按人民土地。而予之以政權也。

十 然貴族及平民之愚昧者。多不滿於新法。平民黨領袖比西德拉都 Peisistrata-

tu 因民望而握政符。稱僭主。Tyrant 比西德拉都故通明。襲用梭倫法。興建築。

獎美術。覘波斯將盛。則大修水軍。以備他日緩急。治頗有功。其子希別斯 *Hippias* 爲僭主。施苛政。國中脊脊大亂。遂希別斯亂乃定。

十一 紀元前五百九年。

周敬王十一年

革雷底尼 *Cleisthenes*

者。起爲僭主。化平民貴族

之傾軋。改正梭倫法典。分國爲十郡。用掣籤法。各郡出議員五十人。而立高等院。定祕密投票法。 *Ostracism* 以防僭主雜出。蓋稍稍用民主政治矣。

第二章波斯戰爭

一 波斯王達來亞士之統一波斯也。小亞細亞西岸亞利安之殖民地來降。當是

時。米利都 *Miletus*

之僭主阿利大哥拉 *Aristagoras*

者。有大志。擬糾合市民。脫

波斯羈絆以自立。又以得雅典之援。遂發難。紀元前五百年。

周敬王二十年

焚撒底 *Sardis*

達來亞士怒。大發兵伐之。鏖戰六年。米利都不能勝。卒爲波斯壓制。不能紓其虐。

二 達來亞士深憾希臘援米利都。紀元前四百九十二年。

周敬王二十八年

大舉伐希臘

海軍遇颶風。覆焉。陸軍復敗於途。王憤甚。更發大軍。紀元前四百九十年。

周敬王三十年

遣

將伐雅底加。雅典之將米底亞低。

Miltiades

禦之於馬拉頓。

Marathon

大破波

斯軍馬拉頓之戰。以弱抗強。爲古史中最有榮譽者。

三 波斯王斯耳格思 Xerxes 紹父志。紀元前四百八十年。周敬王三十八年更率大軍。

水陸進攻希臘。希臘之蘇烈司 Thrace 馬其頓 Macedonia 等地。不能禦。望風降。

司巴達王略尼達 Leonidas 大憤。手麾兵。據德摩比來 Thermopylae 之險。逆波斯。

軍。格鬪移時。以衆寡不敵。全隊戰死。王亦陷沒。波斯軍遂南進。焚雅典。

四 先是雅典豫患波斯之侵也。議修戰備。底米多革利 Themistocles 主修水軍。

亞利低代 Aristides 主練陸軍。國論兩歧。乃用祕密投票法。逐亞利低代。而大修

戰艦。備波斯及波斯侵入。底米多革利萃壯丁於撒拉米 Salamis 以智辯決戰議。

用奇計。大破波斯水軍於撒拉米。波斯王斯耳格思僅以身免。潛逃歸。明年司巴達

王波撒尼亞 Pausanias 欲洒前恥。乃率各州兵。攻波斯之將馬多紐 Mardonius

於伯拉代亞 Plataea 敗之。當是時。雅典水軍於美加利 Mycale 當波斯水軍。復

大捷。

五 雅典人疾底米多革利威權赫奕。將爲僭主。乃放之。而復委政權於亞利低代。

於是亞利低代持己恭儉。接人寬裕。以收攬民心。紀元前四百六十五年。周貞定王四年督率疊洛斯 Delos 同盟戰艦。以喀蒙 Cymon 爲將。再破波斯軍於蘇烈司。復敗其陸軍於尤利美頓 Eurymedon。於是雅典聲威東懾地中海。

六 波斯喪敗之後。亞奪克賽格色士 Artaxerxes 繼立爲王。埃及及乘波斯之衰。乞援於雅典。謀自立。脫波斯軛制。遂與波斯戰。然埃及人疲薊。不能久相持。喀蒙督兵至埃及。力已竭矣。喀蒙乃與波斯約。於紀元前四百四十五年。周貞定王十四年東畫地中海界以和。

第三章佩利克利司 Pericles 之治

一 波希之戰。希臘所以能大勝者。實藉雅典之力。雅典所以成功者。實藉佩利克利司之力。佩利克利司者。革雷底尼之甥。嘗爲民主政治黨首領。博學達於政治。雄辯過人。性溫厚。喜怒不形於色。以重民權圖民利爲己任。

二 自尤利美頓戰後。希臘諸邦。自相妬嫉。多內亂。佩利克利司之際。雅典政黨尤紛擾。乃因人民贊助。改雅典制度。定民會議員數。悉用掣籤法推舉。令民會議員得

遞次參與政事。削元老院之司法權。以清錮蔽。而委之於民會。設嚴規以挫貴族黨之勢。於是雅典遂爲民主共和國。雅典國民受公有地之分給。又以服役水師之酬報。得隨意觀劇之權。民大和洽。國勢盛強。佩利克利司更編艦隊。練武器。築比勒亞士 Piræus 長城。鎮撫疊洛斯同盟。以抑司巴達及波斯之虐。

三 佩利克利司又用疊洛斯之釀金。獎勵學術。保護雅典文化。民智長達。不可遏抑矣。當時建築之巴式弄 Parthenon 愛立克色亞母 Erechtheum 殿。所謂德利亞式。與哀哇尼亞式者。極壯觀。爲後世範模。他如飛地亞士 Phidias 之雕刻。後世亦贊賞不置。其在文學家。則有賓他兒 Pindar 愛司喀臘 Eschylus 沙福克利 Sophocles 尤利彼地 Euripides 等。前後輩出。史家則有海洛鐸 Herodotus 施西地氣 Thucydides 等。哲學家則有哀姆佩朵克利 Empedocles 戴木克利特 Democritos 各樹一家言。以垂後世。又有安那薩哥拉 Anaxagoras 創精靈存在之說。其名曜於區宇。於是雅典爲世界文明之樞紐。佩利克利司名震大地。希臘諸國。羨雅典而妬佩利克利司者甚多。時稱佩利克利司之治世。

四 佩利克利司既圖國內隆盛。樹威於地中海。更欲張權力於西方。適科令斯與其殖民地苛爾喀拉 Corkyra 紛擾。雅典乃援苛爾喀拉。司巴達則援科令斯。以此不相能。紀元前四百三十一年。周考王十年希臘遂釀內亂。其間二十七年。稱爲佩洛朋乃煞斯。一作比羅地戰爭。初佩利克利司欲堅守國內要地。而出海軍決勝負。顧司巴達強於陸。雅典強於海。雅典陸兵以短禦長。不敵。遂爲司巴達所蹂躪。重以疫病流行。紀元前四百二十九年。周考王十二年佩利克利司罹疫歿。雅典失賢首領。遂至於不競。政令不復一統矣。

第四章希臘與波斯之交涉

一 紀元前四百十五年。周烈王十一年雅典之將亞爾西比亞地士 Alcibades 者。紹佩

利克利司遺志。率兵遠赴西西利。然反對黨不悅。迫政府召還之。亞爾西比亞地士大恐。逃往司巴達。勸司巴達伐雅典。且與波斯撒底之知事惕薩勞斯 Tissapher-

nes 連合。以當雅典水軍。於是希臘與波斯復起戰爭。雅典連戰失利。同盟瓦解。國

勢寢衰。亞爾西比亞地士更欲救其衰運。以計歸雅典。乞援於波斯。然波斯堅守司